

Pozorišna 29 — Švedski, Kn. Mihajlova 20, u Agrarnoj Komer-  
cijalnoj Banci — Španski, Dobračina 48.

## ZEMUN

Negda pogranična austro-ugarska stanica prema Beogradu, danas pripada Zemun jugoslovenskoj prijestonici kao njeno predgrađe. Već prije Hrista bio je na ovom mjestu rimski grad Taurunum, ali su ga uništili Huni. Prije bijaše Zemun tranzitna stanica za trgovinu između istočne i srednje Evrop. Negda su tu bili naseljeni grecizirani Rumunji, koji su orijentalnu robu prodavali čak u Leipzig i u Hamburg, a njemačku robu u Carigrad i u Smirnu. Dok je danas tu trgovačku ulogu preuzeo Beograd, dotle se Zemun više razvija kao industrijsko mjesto, a naročito u kožarskoj, drvarskoj, pivarskoj, mlinarskoj i hemijskoj industriji. Također je veoma razvijeno vrtlarstvo i ribolov.

U predgrađu Zemuna, Franzenstalu, naseljeni su nje-  
mački kolonisti, koji su na glasu sa svoje radinosti. Zemun ima veliku, lijepo uređenu željezničku stanicu i luku. Od željez-  
ničke stanice dolazi se lijepom alejom u glavnu prometnu žilu Zemuna, u ulicu Kralja Petra. Tu je vrijedno pogledati srpsko-  
pravoslavnu crkvu sv. Bogorodice s oltarskim slikama Nikole Aleksića iz 1815 g. Desno vode nakon pola sata hoda stube, ko-  
jima se za pet minuta stiže uz Cigansko brdo do ruševina kule  
Sibinjanina Janka, koji je 1456. g. umro u Zemunu. Odavle je  
divan pogled na Beograd, Frušku Goru i na Banatsku ravnicu.

Osim parobrodarskih veza, Zemun spaja s Beogradom  
velik željeznički most preko Save.

Hoteli: Central, Grand.

## PANČEVO

Na Dunavu, 13 km daleko od Beograda, leži Pančevo, koje je danas također pripojeno prijestonici. Pančevo ima ve-  
liku ulogu kao izvozna luka bogate banatske ravnice, a osobito za žitarice, te je važno saobraćajno čvorište na ušću plovne ri-  
jeke Tamiša u Dunav. Značaj Pančeva podiće će znatno nov veliki most preko Dunava (dug 1300 m), koji se sada gradi.



*Zemun  
Pristanište  
na Dunavu  
Quai  
sur le Danube  
Landungsplatz  
an der Donau*